

A2^r

Dem Edleñ Ehrnfelten Herren
 von Wolffgen von Landtſperg/ der Stifft
 Straßburg Vitztumb meinem gñftigen vnd gebie-
 tenden Herrn/ Entbeüt ich Hieronimus Boner
 difer zeit Oberfter meifter zů Colmar mein
 gůt willig vñ vnuerdroffen Dienft. 7c.

GVnnftiger Herr
 demnach vnd ich in difen ge-
 genwertigen fo sorglichen vñ ge-
 ferlichen zeiten die Hiftorien des
 heiligē Pauli Grofij gelesen/ die
 er dann auß fonderm befehl des
 aller heiligften Aurelij Auguftini zů Hyppon in Affrica
 Bifchoffs/ vmb willen der sorgfamen leuff/ fo damaln glei-
 cher gefaltan vorhanden/ von der gantzen welt/ vñ dern an-
 fang biß zů feinen zeiten/ Als namlichen die iar der Welt
 ftand fünff tauſent ſechshundert vnd zwelff vnnd die iar
 Chrifti vnſers heilands vier hundert vnd zwelff vnder der
 regierung Honorij vnd Theodolij der Rōmiſchen Keifern
 in der zweyhundert ſiben vnd neuntzigften Olympifchen
 von anfang der ftatt Rom in der tauſent hundert vnd drey
 vnd ſechzigften iar 3al/ in welchem iar dann die erft zerftō-
 rung vnd plünderung der ftatt Rom von den Gotthen vn-
 der dem König Alaricho ergangē/ von aller trůbfal/ iamer
 angft vñ not/ in der gantzen welt verlauffen/ in einer fo mā
 kurtz zufamen begriffen vnd beſchriben/ der dañ eins folch-
 en lobs gewefen/ das der heilig Auguftinus inn einer Epi-
 ſtel an den heiligen Hieronymum alfo von im ſchreibt. Es
 iſt zů mir koñen der geiftlich vñ andächtigt iüngling Pau-
 lus Grofius vnſer mitprieſter/ der eins wackern verftands
 eins zierlichen auffprechens/ begirlich zur leer vnnd kunft/

A ij vnd

A2^v

Vorred.

vnd in dem hauß des Herrn ein nutzlich vaß ift 7c. Den hab ich dem gemeinen nutz zû gût gedacht/ inn diß Teutfch zû bringen/ vnd dem Erenhafften Barptholome Grüninger in druck zû antworten. In dem ich nun von dem felben vernomen/ vnd für mich felbs wol weiß/ das E. G. vnd Ehrenuefte auß angeborner Adelichen tugendt/ ein sonder begird vnd neigung/ die warhafften Hiftorien vnd gefchichten zû lefen. Daher er dan gûtmüttig E. Ernuefte etwas dienft zû erzeigen/ wie dan vorlangt mein dienftlicher wil geftan den ift/ diß Bûch in ewrem vn̄ aller Edlen von Landſperg namen außgon zulaffen/ vnnd die vor meniglichem damit zû verehren/ das wôl E. Ernuefte auß angeborner Adenlichen vnd altzeit erzeigten tugend/ in gefallen empfangen/ den Drucker vnnd Dolmetſchen inn gûntlichem beuelch/ vnnd vns zû gepietten haben.

Datum Colmar den Erften tag des

Herbftmonats/ Anno domini

M. D. xxxix.